

14 OCT 2003

Mahathir-Rai/I

DR MAHATHIR RAIKAN PUTERA MAHKOTA ABDULLAH PADA JAMUAN MALAM

PUTRAJAYA, 14 Okt (Bernama) -- Perdana Menteri Datuk Seri Dr Mahathir Mohamad meraikan Putera Mahkota Arab Saudi Putera Abdullah Abdul Aziz al Saud pada jamuan malam di Sri Perdana di sini.

Putera Mahkota itu yang juga adalah Timbalan Perdana Menteri dan Pemerintah Tentera Arab Saudi, tiba di sini hari ini bagi lawatan rasmi dua hari ke Malaysia.

Lawatan itu atas jemputan Dr Mahathir, merupakan yang pertama oleh Putera Mahkota Abdullah.

Beliau mengetuai delegasi kerajaannya bagi Sidang Kemuncak Pertubuhan Persidangan Islam (OIC) ke-10.

Dr Mahathir dan Putera Mahkota Abdullah turut mengadakan pertemuan selama kira-kira 30 minit sebelum jamuan malam itu.

Turut hadir pada pertemuan itu ialah Timbalan Perdana Menteri Datuk Seri Abdullah Ahmad Badawi, Menteri Pertahanan Datuk Seri Najib Tun Razak, Menteri Perdagangan Dalam Negeri dan Hal Ehwal Pengguna Tan Sri Muhyiddin Yassin, Menteri Penerangan Tan Sri Khalil Yaakob.

Menteri di Jabatan Perdana Menteri Datuk Abdul Hamid Zainal Abidin, Duta Malaysia ke Arab Saudi Tan Sri Wan Mokhtar Ahmad dan Penasihat Agama kepada Perdana Menteri Tan Sri Abdul Hamid Othman.

Menteri Luar Arab Saudi Putera Saud al-Faisal juga hadir.

-- BERNAMA

HS MKO RHM